



Stanić: Provjere prema zahtjevu Interpola

Perica Stanić, direktor SIPA-e, za 'Avaz'

Napadači iz Pariza nemaju veze s BiH

Provjere su pokazale da nisu nikada boravili u našoj zemlji, kaže Stanić

Perica Stanić, direktor Državne agencije za istrage i zaštitu (SIPA), rekao nam je jučer da se ova policijska agencija stavila na puno raspolaganje Ambasadi Francuske u BiH, kao i francuskim vlastima, radi rasvjetljavanja dešavanja u Parizu.

Stanić je ocijenio da je SIPA, osim svojim redovnih aktivnosti, mobilizirala i sve ostale jedinice kako bi izvršila sve tražene provjere koje su im upućene od Interpola.

- Provjere su pokazale da naši državljani nisu učestvovali u napadima, organizaciji, niti su na bilo koji drugi način pomagali u ovim krivičnim djelima – kaže Stanić.

Pojasnio je da je provjorama utvrđeno i da osobe koje se dovode u vezu s napadom u Francuskoj, nikada nisu boravile na teritoriji BiH.

- Sve je provjereno, niti su bile u BiH niti su prolazile kroz teritoriju BiH – kaže Stanić. **M.Aš.**